

BOSNA I HERCEGOVINA
Federacija Bosne i Hercegovine
Tuzlanski kanton
OPĆINA GRAČANICA
OPĆINSKO VIJEĆE

Broj predmeta: 01-05-02823-2018
Broj akta: 01EN-001
Gračanica, 30.8.2018.. godine

Z A P I S N I K
SA 20. SJEDNICE OPĆINSKOG VIJEĆA GRAČANICA

Održane dana 21. 06. 2018. godine u sali za sjednice nove zgrade Općine Gračanica sa početkom u 9,20 sati.

Početu sjednice je prisustvovalo je 27 članova Općinskog vijeća Gračanica.

Odsutni su bili: Pjanić Safet. Aljić Adem i Puškar Hasan.

Sjednicu je otvorio i istom predsjedavao Nihad Krajinović Predsjedavajući Općinskog vijeća Gračanica, zajedno sa zamjenikom Devedžić Almedinom i sekretarom Dženanon Tukulj.

Zapisnik vodila Dženana Tukulj, a vršilo se i tonsko snimanje sjednice.

Pored članova Općinskog vijeća sjednici su prisustvovali i šefovi Službi za upravu, Elvira Bašić, članica Etičke komisije Esma Pašić, izvjestioci po pojedinim tačkama dnevnog reda, te predstavnici sredstava informisanja.

Odmah na početku sjednice predsjedavajući Vijeća je upoznao vijećnike, da je u toku sedmice došao prijedlog nadležnog ministarstva TK da se na dnevni red stavi tačka rasprava oko Prostornog plana, ali obzirom da je kratak period Kolegij se složio da se uputi dopis ministarstvu i obrazloži zašto se ne može uključiti u raspravu.

Nakon toga na raspravu je dat Zapisnik sa 19. Sjednice Općinskog vijeća.

Nije bilo učesnika u diskusiji i Zapisnik sa 19. Sjednice Općinskog vijeća je usvojen jednoglasno.

Predsjedavajući Vijeća je elaborirao prispjele odgovore na pitanja i inicijative:

Na posljednjoj 19. Sjednici OV Gračanica upućeno je 10 pitanja i 4 inicijative. Pristigli odgovori su slijedeći :

- U ime Komisije za obrazovanje, kulturu, sport, mlade i odnose sa vjerskim zajednicama, vijećnica **Mirela Trepanić** podnijela je izvještaj komisije o posjeti nekoliko škola , stanjem i uvjetima rada sa inicijativom za pomoć istim.

U odgovoru općinskog načelnika je navedeno kako općina iako obrazovanje nije u njenoj nadležnosti, nastoji iz godine u godinu pomagati školama čemu svjedoče projekti u nekoliko škola i sportskih objekata koje koriste učenici.

- Vijećnik **Edin Ibrišević** uputio je pitanje koje se odnosilo na popis i premjer parcela koje se vode u katastru općine a koje su prilikom nedavnih elementarnih nepogoda onečišćene poplavom. Na pitanje su nadležne službe odgovorile opširnijom informacijom i navele da podaci postoje i da se do njih može uvijek doći. Naredno pitanje odnosilo se na početak projekta po budžetu za 2018 na sanaciji puta U Stjepan Polju. Iz dostavljenog odgovora vidljiv je postupak realizacije ovog projekta.
- Vijećnik **Ahmet Šakušić** pitanjem općinskom načelniku inicirao je pomoć za uređenje mjesnog mezarja u Malešićima. Pomoć će biti odobrena u granicama raspoloživih sredstava navedeno je u odgovoru.
- Vijećnik **Alen Ibrišević** uputio je pitanje načelniku općine i inspekciji o nadležnosti, kontrolama i kažnjavanju kladionica u kršenju propisa pri radu, na koje je odgovor stigao iz nadležne službe a u kojem su navedeni članovi Zakona kojim su regulisane navedene radnje i odgovorne institucije. Na pitanje protivgradne odbrane stigao je Uz sve navedene radnje koje predstoje očekivati je da će u ovoj godini biti pokrenuti konkretni radovi na realizaciji navedenog projekta, rečeno je u odgovoru.
- Vijećnik **Edin Šehić** upitao je za preraspodjelu sredstava odobrenih za izletišta Vis, postavljanje putokaza prema istom kao i u kojoj su fazi projekti za MZ Babići predviđeni budžetom za 2018. Pristigli su odgovori u kojima su preciznije data pojašnjenja gdje su ili će u narednom periodu i kako biti usmjerena odobrena sredstva. Što se tiče putokaza, njihovo postavljanje se očekuje u nadolazećem periodu.
- Pitanja su još uputili **Osman Sulejmanović, Ibrahim Hasić, Demir Milkić, Nihad Krajinović** no odgovori do danas nisu pristigli.

Nova pitanja i inicijative kandidovali su:

Nejra Hadžić:

“Imam dvije inicijative:

Prvu inicijativu upućujem Općinskom načelniku, Službi za prostorno uređenje i Službi za poduzetništvo, lokalni razvoj i finansije, te JP “Ceste Federacije BiH” i ona glasi:

Inicijativa za postavljanje saobraćajnog znaka “ograničenje brzine”, pored magistralnog puta M-4 u naselju Stjepan Polje.

- U cilju povećanja stepena sigurnosti svih učesnika u saobraćaju, pokrećem inicijativu za postavljanje saobraćajnog znaka “ograničenje brzine 50 km/h”, koji je potrebno postaviti uz saobraćajni znak “naseljenog mjesta” Stjepan Polje, koji se nalazi pored magistralnog puta M-4 sa desne strane posmatrano iz smjera Gračanice prema Doboju (naselje Bare).

Obrazloženje:

U posljednja dva mjeseca, na području opštine Gračanica, na magistralnom putu M-4, od strane upravitelja ceste, postavljeni su znakovi "ograničenja brzine 50 km/h". Naime, navedeni saobraćajni znakovi su postavljeni u oba smjera (iz smjera Doboja i iz smjera Tuzle) uz već postojeće znakove "naseljenog mjesta" i to u Pribavi, Donjoj Lohinji, Donjoj Orahovici i Miričini, dok je navedeni znak "ograničenje brzine 50 km/h" u Stjepan Polju postavljen samo iz smjera Doboja. Navedene aktivnosti su pohvalne obzirom da se na taj način doprinosi povećanje sigurnosti u saobraćaju, imajući u vidu svakodnevno "divljanje" na našim cestama.

Shodno navedenom, pokrećem inicijativu da se saobraćajni znak "ograničenja brzine 50 km/h", postavi i na ulazu u Stjepan Polje iz smjera Gračanice (naselje Bare) uz već postojeći znak "naseljenog mjesta", te da isti, s obzirom na već postojeću saobraćajnu signalizaciju, ima važnost i cijelom dužinom izgrađenog trotoara pored magistralnog puta u Stjepan Polju.

Inicijativa za uplatu sredstava za priključak novog mjernog mjesta rasvjete na dionici magistralnog puta M-4 u naseljenom mjestu Stjepan Polje. Veza: Inicijativa od 31.01. i 28.02.2017.godine.

Pokrećemo inicijativu da se iz sredstava proširenja javne rasvjete izvrši uplata za priključak novog mjesta za izgradnju rasvjete na dionici magistralnog puta M-4 (Doboj-Tuzla) kroz naseljeno mjesto Stjepan Polje.

Obrazloženje:

Inicijativama od 31.01. i 28.02.2017.godine smo vas upoznali da je u toku 2016.godine, Općinsko vijeće Gračanica aktom broj: 01-05-SI/2016 od 07.03.2016.godine, obratilo se JP "Ceste Federacije BiH", vezano za izgradnju rasvjete na dionici Magistralnog puta M-4 kroz naseljeno mjesto Stjepan Polje. Na osnovu navedenog, JP "Ceste Federacije BiH" je svojim aktom broj:01-02.2-2519-1/16-ZZ od 18.03.2016.godine, između ostalog, navelo da nadležni općinski odnosno gradski organi mogu tražiti da se magistralna ili regionalna cesta koja prolazi kroz naselje ili grad, izgradi ili rekonstruiše, što podrazumijeva i izgradnju rasvjete (član 32. Zakona o cestama F BiH).

Takođe, u predmetnom aktu je naznačeno da troškove gradnje prouzrokovane navedenim zahtjevom snosi podnosilac zahtjeva, a da se učestvovanje u finansiranju radova reguliše ugovorom s nadležnim općinskim odnosno gradskim organom.

Nadalje, u opisanom aktu, JP "Ceste Federacije BiH" je navedeno da je se za tražene radove potrebno obratiti nadležnim općinskim, odnosno, kantonalnim organima.

U međuvremenu od strane nadležne općinske službe Gračanica data je saglasnost za priključak novog mjernog mjesta za izgradnju navedene rasvjete, a takođe je urađen i projekat izvođenja rasvjete.

Shodno navedenom, tražimo od Općine Gračanica da iz sredstava proširenja javne rasvjete izvrši uplatu potrebnih sredstava za priključak novog mjernog mjesta za izgradnju rasvjete, kako bi se dalje mogle provoditi aktivnosti oko sufinansiranja mještana Stjepan Polja na realizaciji ovog projekta.

Ponovo podsjećamo da su dionice magistralnog puta M-4 pokrivena rasvjetom većim dijelom u svim mjesnim zajednicama kroz koje prolazi magistralni put (Gračanica, Pribava, Lohinja, Donja Orahovica i Miričina) izuzev mjesne zajednice Stjepan Polje."

Trepanić Mirela:

"U ime Komisije za obrazovanje, kulturu, sport, mlade i odnose sa vjerskim zajednicama imamo jednu informaciju.

Komisija je 19. Juna dobila slijedeće informacije od Aktiva direktora osnovnih škola općine Gračanica, koje su stigle od Ministarstva obrazovanja i nauke Tuzlanskog kantona po preporuci Komisije za obrazovanje, kulturu, sport i mlade Skupštine Tuzlanskog kantona.

Članom 23. i 31. Zakona o osnovnom odgoju i obrazovanju ("Službene novine Tuzlanskog kantona", broj: 9/15 i 6/16) i članom 36. Zakona o srednjem obrazovanju i odgoju

(“Službene novine Tuzlanskog kantona”, broj: 17/11, 9/15 i 6/16), izričito je zabranjeno organizovanje i djelovanje političkih stranaka i njihovih podmladaka i upotreba simbola, fotografija i slično, koji se odnose na političke stranke.

S tim u vezi Ministarstvo upozorava škole da je organizovanje i djelovanje političkih subjekata zakonom zabranjeno i da će biti od strane nadležnih organa sankcionisano u skladu sa zakonom. Pod organizovanjem i djelovanjem političkih subjekata podrazumijeva se: političko okupljanje, organiziranje političkih tribina, sastanaka i slično u prostorijama škole i na školskom dvorištu, nagovaranje i podstrekavanje učenika u školi na odlazak na skupove koje organiziraju politički subjekti, učestvovanje školskih sekcija u kulturno - umjetničkom programu političkih subjekata, distribucija letaka i propagandnog materijala političkih subjekata u školi i slično.

Komisija smatra da je bitno da se zakon poštuje te ovim putem informišemo Općinsko vijeće i javnost.

Pozivamo Općinsko vijeće i Predsjedavajućeg da vijećima mjesnih zajednica Općine Gračanica i političkim strankama uputi službenu obavijest radi koordinacije i traženja alternativnih rješenja u predizbornim aktivnostima. I nadamo se da će se to poštovati jer zakon je tu da se poštuje”.

Fadil Mešić:

“Ja imam jedno vijećničko pitanje upućeno Općinskom načelniku i ono glasi:

Gospodine načelnice, 2014. godine pokrenuto je klizište u Gornjoj Orahovici i to mahala Avdići - Dobrnjići.

Od tada ništa nije urađeno na saniranju istog. Klizište prijeto dvjema kućama, pa su ljudi opravdano zabrinuti za svoje stambene objekte. Također pomenuto klizište prijeto putu Avdići-Dobrnjići. Stručnjak Džindo iz Tuzle je izlazio do sada dva puta i napravio predračun oko 12.000 KM.

Gospodine načelnice, šta će se uraditi po ovom pitanju, jer su u pitanju kuće gdje ljudi stanuju”.

Alen Ibrišević:

“Za današnju sjednicu imam jedno vijećničko pitanje:

Pitanje upućujem Općinskoj izbornoj komisiji. Kada je posljednji put izvršeno ažuriranje biračkih spiskova u smislu brisanja lica koja su umrla sa biračkog spiska?

Obrazloženje:

Na martovskoj sjednici Centralne izborne komisije konstatovano je da se na biračkom spisku nalazi preko 5000 lica koja su umrla. Na istoj sjednici konstatovano je da se na biračkom spisku Općine Gračanica nalazi 229 lica koja su umrla što je našu Općinu pozicioniralo u sami vrh ove negativne liste. Da li je u međuvremenu izvršeno brisanje umrlih lica sa spiska, te da li općinska izborna komisija planira izvršiti ponovno ažuriranje biračkog spiska u narednom periodu, kako bi se otklonile eventualne sumnje u regularnost izbora”.

Vahidin Smajlović:

“Ja za današnju sjednicu imam jednu vijećničku inicijativu, a upućena je JU “Direkcija regionalnih cesta TK.

Inicijativa se odnosi na postavljanje saobraćajnog ogledala na ulazu u MZ Škahovica - skretanje sa regionalnog puta Gračanica - Srnice.

Obrazloženje:

Ulaz u MZ Škahovica sa regionalnog puta Gračanica - Srnice je dosta nepregledan i uzak. Kod skretanja sa regionalnog puta i ulaza u Škahovicu iz pravca Gračanice i Srnica ne vide se vozila koja dolaze iz suprotnog smjera. Konfiguracija terena je takva da na samom ulazu u Škahovicu na regionalnom putu je zavoj (krivina) što onemogućava preglednost iz

suprotnog pravca pa je svako prestrojavanje vozila i skretanje dosta rizično. Iz tog razloga smatram da bi postavljanje saobraćajnog ogleдалa u mnogome olakšalo svim učesnicima u saobraćaju i doprinijelo većoj bezbjednosti.

Napominjem da na ovom ulazu trenutno postoji neko manje ogleдалo (samo okvir ogleдалa) i da nema nikakvu funkciju. Vjerujem da je MZ Škahovica jedna od MZ na području Tuzlanskog kantona sa najlošije riješenim pitanjem ulaza u MZ i izlaza na regionalni put i nadam se da će ova inicijativa rezultirati postavljanjem saobraćajnog ogleдалa, a da će se u ovoj godini iznaći i sredstva za izradu projekta za rekonstrukciju i proširenje ulaza u MZ Škahovica, što je i bio Vaš odgovor na moju prethodnu inicijativu vezano za ulaz u MZ Škahovica i izlaz iz MZ Škahovica na regionalni put”.

Demir Milkić:

“Za današnju sjednicu ja imam dva vijećnička pitanja i jednu inicijativu.

Prvo pitanje upućeno je Ministarstvu za rad, socijalnu politiku i povratak TK i glasi:

Usvajanjem rebalansa prošle godine dobili smo od Ministarstva za rad, socijalnu politiku i povratak TK 20 hiljada za izgradnju puta u MZ Lendići koji bi vodio prema izbjegličkom naselju u istoj MZ.

Promjenom ministra ove pare su ostale upitne, te ovaj projekat je ostao u “zraku”.

Mene zanima evo nakon pola godine, šta se dešava s tim projektom, da li je Ministarstvo odustalo ili su neke aktivnosti u toku?”

Drugo pitanje glasi:

Ove godine u budžetu planirana su sredstva za kupovinu zemljišta u naselju Hajdarovac, kako bi se u narednim godinama u istom mogao izgraditi poligon?

Zanima me da li su nadležne službe pristupile rješavanju ovog problema, da li se vode kakvi razgovori sa potencijalnim kupcima, te uopšte ima li kakvih aktivnosti po ovom pitanju?

Vijećnička inicijativa je:

Pokrećem inicijativu za izgradnju ulične rasvjete kroz mjesto Svilena bašča, mjesto koje gravitira između naselja Javor i MZ Lendići ?

Problem koji je poznat preko 10 godina, rješavanjem samog koristi bi imali mještani naselja Javor, MZ Lendići kao i građani MZ Malešići.

Senahid Džebo:

“Danas imam samo jedno pitanje:

Vijećničko pitanje vezano za izgradnju vertikalne signalizacije na lokalnom putu pored Osnovne škole “Stjepan Polje” u Stjepan Polju.

Postavljam vijećničko pitanje koje se odnosi na izgradnju vertikalne signalizacije na lokalnom putu pored Osnovne škole “Stjepan Polje” u Stjepan Polju.

Naime, našom inicijativom od 30.01.2017.godine, u cilju dodatne zaštite, traženo je od nadležnih institucija da se poduzmu aktivnosti na izgradnji horizontalne i vertikalne signalizacije u neposrednoj blizini škole, obilježavanje pješačkih prijelaza, postavljanje saobraćajnih znakova “djeca na putu” ili tzv. svjetlosnih led treptača sa navedenim znakom, kao i tzv. “usporivača” saobraćaja kojima bi se na preventivan način doprinijelo sigurnosti kretanja učenika.

U međuvremenu krajem 2017. godine na predmetnoj lokaciji urađena je horizontalna signalizacija, te ovim putem postavljam vijećničko pitanje da li su preduzete bilo kakve aktivnosti oko postavljanja vertikalne signalizacije u blizini škole i kad se iste mogu očekivati?”.

Muhamed Omerović:

“Na osnovu zahtjeva građana upućujem inicijativu nadležnim službama na prosljeđivanje JP “Ceste Federacije BiH”. Inicijativa se odnosi na označavanje puta isprekidanom linijom umjesto punom i eventualno još nekim saobraćajnim znakom u mjestu Stjepan Polje pri skretanju ulijevo na magistralnom putu Doboj-Tuzla preko puta ugostiteljskog objekta “Azur”.

Obrazloženje:

Na ovoj dionici postoji nekategorisani put koji se sa lijeve strane gledano iz pravca Doboja uključuje na magistralni put M4 i koji povezuje više od 30 domaćinstava sa putem Doboj - Tuzla.

Često na ovoj dionici dođe do lančanog sudara pri skretanju ulijevo iz pravca Doboja i upućujem i slike u prilogu”.

Mirsad Čamdžić:

“Ja imam dvije inicijative, odnosno pitanja.

Prva glasi:

Nekoliko smo puta potencirali problem prolaza - ulaza na Zelenu pijacu iz pravca Sahat kule u strogom centru Gračanice. Velike bare, izlivanje kanalizacionih voda prijete zarazom. Vlasnici radnji godinama pokušavaju na razne načine da privole vlast da uredi ovaj prostor. Bilo je raznih obećanja, kada se počne sa uređenjem Zelene pijace, te nema rješenja i slično.

Molim nadležnu službu da odgovori: Kada će se urediti ovaj prostor?

Pitanje za Senada Memića iz JP “Komusa”:

“Kada će početi uređenje Zelene pijace?”

Vlasnici radnji u tom prolazu se nadaju da se neće opet završiti odgovorima:

Nisu riješeni imovinsko pravni odnosi. I ako ponovo to bude mole da se navedu - koji?

Također, jedan od očekivanih odgovora je kako nije moguće riješiti odvod oborinskih voda i kanalizacije koja se tu sakuplja. Ko to rješava?

Pitanje je:

Naime, petnaest godina dobivaju odgovore: Imovinsko pravni odnosi i “Vodovod” je zadužen (! ?).

Također, mole da bar neko posjeti ovo mjesto i da vidi kako sugrađani prolaze sa rukom preko usta i spotiču se.

Najblaža riječ je “sramota” da postoji ovakvo mjesto u strogom centru grada a dodao bih, novca imamo u budžetu.

Druga inicijativa je:

Pokrećem inicijativu Direkciji za ceste TK na zahtjev grupe građana da se uvede stacionarni radari ili neki vid kontinuirane kontrole brzine na magistralnom putu M4 Doboj - Tuzla u mjestu Miričina na relaciji “Džamija - benzinska pumpa”, prijedlog lokacije između tačaka dajem u prilogu google maps:

1. <https://goo.gl/maps/Tu9Q6E6M912>

2. <https://goo.gl/maps/TWb37bNMHYF2>

radi se relativno kratkom pravcu gdje se razvijaju relativno velike brzine.

Ograničenje je 50 km/h što se rijetko poštuje posebno u vremenima kada je frekvencija saobraćaja smanjena. U sklopu ove inicijative treba pokrenuti i inicijativu da se označi pješački prelaz na tački kod benzinske pumpe, pozicija na google maps: <https://goo.gl/maps/FhFaYuNnXoD2> ili u blizini ove tačke jer praktično sva djeca koja idu u školu tu negdje prelaze magistralni put kada idu u školu.

Također, postoji potreba da se uradi trotoar dužinom magistralnog puta kao što je u Pribavi, a ne čekati da neko nastrada”.

Sjednici je pristupio i Hasan Puškar pa je prisutno 28 članova Vijeća.

Vahid Bajrić:

“Ja za danas imam dvije inicijative:

Prva inicijativa je:

Mislim da je ova inicijativa bila upućena Općinskom načelniku i općinskim službama i prije. Ja ću je ovaj puta malo preciznije obrazložiti.

Radi se o kanalu za oborinske vode u centru Donje Orahovice pored nogometnog stadiona. Vratimo se unazad 4 godine to jeste 2014. Pod vodom je bilo preko 50 objekata, domaćinstava sa načinjenom velikom materijalnom štetom.

Imamo 2018.godine, veća šteta tri puta nego sam projekat. Obraćam se općinskom načelniku, općinskim službama. Da ovaj projekat stave kao prioritet u prvi plan. Mislim na projekte u Donjoj Orahovici, kako bi došlo do brže realizacije ovog projekta i riješili veliki problem građana Donje Orahovice.

I druga inicijativa je upućena Općinskom načelniku i općinskim službama:

Isti problemi muče građane Miričine i Rašljeve. Dionica puta koja povezuje Miričinu, Rašljevu i Orahovicu, pored magistralnog puta Doboj - Tuzla, zaseok Kurtovići u dužini 406 je u jako lošem stanju i nije asfaltiran. Zato se obraćamo kao građani Općinskom načelniku, Predsjedavajućem Općinskog vijeća, Općinskim vijećnicima, službama. Da smo i mi dio naše općine i da treba voditi brigu o svakoj mjesnoj zajednici, svakoj ulici i svim građanima naše općine. Zato vas molim da ovaj projekat dionice puta Kurtovići u dužini od 400 metara koji je dio i Miričine i Rašljeve stavite u naredno budžetsko razmatranje ili rebalansom budžeta uvrstite ovaj projekat u realizaciju”.

Džemal Jukan:

“Ja imam jedno vijećničko pitanje, a na njega me ponukala tačka broj 6 današnjeg dnevnog reda, o čemu ćemo raspravljati. A to su imenovanje, upravni odbori u Domu zdravlja. Moje pitanje glasi:

Zašto javna ustanova Dječije obdanište, do danas nema upravljačku strukturu. Naime, možda i ne znate, direktor Dječijeg obdaništa je u jedanaestom mjesecu, promijenio službu, pa je imenovan jedan v.d., poslije tog drugi v.d. Upravni odbor prije mjesec dana mu je istekao mandat, tako da ne postoji ni Upravni odbor, a mi ćemo na odmore. Doduše, nadležnost je to načelnika, međutim evo postavljam pitanje, isto tako kako smo odgovorni za Dom zdravlja, trebali bi biti i za tu ustanovu. Ili to možda nije dogovor, nije dio tala parlamentarne većine, kome pripada, šta je, ne znam, ali mislim da je bilo neophodno da se to prije uradi”.

Edin Šehić:

“Ja imam za ovu sjednicu dvije vijećničke inicijative. Jedna, evo bez ikakvog dogovora, bez ičega s kolegom Bajrićem iz Donje Orahovice. Samo što je ova inicijativa vezana za globalno rješavanje tog problema.

Ona glasi: Za čišćenje kanala za odvodnju površinskih voda, kao i rješavanje “uskih grla” koja stvaraju poplave usljed jačih padavina na području cijele općine, posebno gdje se ugrožava putna infrastruktura, stambeni i poslovni objekti.

Obrazloženje:

Obzirom na veoma jake kratkotrajne lokalne pljuskove u proteklom periodu na području općine Gračanica, te na loše i nesavjesno održavanje odvodnih kanala površinskih voda, kako u urbanom dijelu grada, tako i u svim mjesnim zajednicama na području općine Gračanica, građani se susreću sa problemom plavljenja svojih dvorišta / imanja, stambenih i poslovnih objekata, prilaznih puteva itd., čime je ugrožena njihova sigurnost, odnosno građani trpe ogromne materijalne gubitke. Tim povodom upućujem vijećničku inicijativu za HITNO djelovanje štaba CZ Gračanica, u saradnji sa vijećima mjesnih zajednica i njihovim članicama CZ, da se u kratkom roku snime kritična mjesta, te promptno djeluje, kako bi se izbjegla

buduća plavljenja i materijalne štete stanovnika naše općine. Naravno očekujem i neku informaciju Općinskom vijeću šta se učinilo po tom pitanju.

“Druga vijećnička inicijativa glasi:

Uspostavljanje lokalne razvojne općine Gračanica. Mislim da je ova inicijativa ranije išla u nekoj formi ali ja je ponovo upućujem.

Obrazloženje:

Obzirom da je općina Gračanica među prvih 10 lokalnih zajednica po razvoju malih i srednjih preduzeća u Bosni i Hercegovini smatram da je neophodno da kao takva, po uzoru na druge razvijene općine i gradove, uspostavi svoju lokalnu razvojnu agenciju, sa svrhom planskog / programiranog lokalnog ekonomskog razvoja.

Lokalna razvojna agencija uspostavila bi se kao partnerski odnos između lokalne samouprave i privrednika, udruženja poduzetnika, nevladinog sektora, sve sa ciljem boljeg razvoja lokalne zajednice, stručnog i savremenog načina pristupa rješavanju bitnih egzistencijalnih problema lokalne zajednice, kao i povlačenja sredstava fondova EU, jer ovakav način razvoja u lokalnim, pa i regionalnim sredinama, je osnovna preporuka EU”.

Hasan Puškar:

“Ja imam jednu inicijativu. Da nadležne službe zabrane kretanje autobusa koji obavljaju prevoz ulicom ispod Doma zdravlja. Obrazloženje je vjerovatno kad isti dobijaju odobrenje za obavljanje linija prevoza, striktno je napisano kojom putanjom treba da se kreću. Međutim svaki dan krećući se tom ulicom primjetio sam autobuse koji obavljaju tom linijom, kreću se i svi voze brzo, nekud žure itd. i direktno ugrožavaju pješake i djecu pored Druge osnovne škole. Isti se vjerovatno moraju kretati ulicom prema semaforima ka izlazu na magistralni put.

Znači, pokrećem inicijativu prema nadležnim općinskim službama da se što hitnije i u što kraćem roku pristupi izradi saobraćajne signalizacije”.

Rahim Gadžić:

“Ja za ovu sjednicu imam dva vijećnička pitanja. Prvo vijećničko pitanje je, tražim da se u MZ Džakule postave usporivači brzine na putnom pravcu Džakule - Biberovo Polje u mjestu centar Džakule.

Obrazloženje vijećničkog pitanja:

To se odnosi na dio putnog pravca ispod džamije i Društvenog doma MZ Džakule. Bez obzira na sva upozorenja koja smo upućivali, vozači ne usporavaju brzine i kreću se ipak velikom brzinom a tim dijelom svaki dan prolaze učenici u školu, kreću se pješaci konstantno do centra Džakula. Ja tražim da se na tom putu postave najmanje dva usporivača brzine da bi ti nesavjesni vozači prilagodili brzinu mjestu u kojem se kreću.

I drugo vijećničko pitanje isto se odnosi na područje MZ. Vi svi znate da smo u elementarnim nepogodama na području putnog pravca između Doborovaca i Džakula doživili velika oštećenja. Tražim da se u narednom periodu i kroz budžet ili bilo koji način pokuša izaći u susret tim građanima koji žive na tom području, da se izvrši sanacija putnog pravca Doborovci-Džakule. Pošto znamo da se na tom putnom pravcu kreće autobus, veliki broj građana prolazi. Znam i šef službe je bio na javnoj raspravi i na zboru građana, da su isto to tražili. Pa evo i ja kao Općinski vijećnik tražim da se u što kraćem periodu to riješi, na bilo koji način”.

Nihad Krajinović:

“Obzirom da su nam iz sjednice u sjednicu sve češće inicijative i pitanja oko postavljanja saobraćajnog znaka, odnosno znakova i ogledala na području općine Gračanica predlažem nadležnoj službi Općine:

Evidentiranje potrebnih saobraćajnih znakova na općini Gračanica u cilju pripreme i osiguranja sredstava u budžetu za 2019. godine za najprioritetnije.

OBRAZLOŽENJE :

Obzirom da su sve češće inicijative vijećnika oko postavljanja različitih saobraćajnih znakova i ogleđala uz saobraćajnice na općini Gračanica, predlažem nadležnoj službi da u narednom periodu na terenu utvrdi tj. na osnovu dosadašnjih inicijativa, sugestija i u saradnji sa Vijećima mjesnih zajednica evidentira sve nedostajuće a potrebne saobraćajne znakove, pripremi plan i troškove nabave i postavljenja, bar onih najprioritetnijih. Takav plan predloži na uvrštenje u budžet za 2019. kako bi na ovaj problem jednom stavili tačku“.

Prešlo se na raspravu o predloženom dnevnom redu 20. Sjednice Općinskog vijeća.

Predsjedavajući Vijeća je upoznao prisutne vijećnike, da je Kolegij Vijeća, pred početak sjednice, dogovorio da se na dnevni red uvrsti još jedna tačka dnevnog reda, a to je Odluka o usvajanju prijedloga srednjoročnog i godišnjeg plana potencijalnih projekata javnog privatnog partnerstva.

Dopuna dnevnog reda je usvojena jednoglasno, da to bude tačka 5.

Konačni dnevni red 20. Sjednice Općinskog vijeća Gračanica glasi:

1. RAZMATRANJE I USVAJANJE NACRTA ODLUKE O IZMJENAMA I DOPUNAMA STATUTA OPĆINE GRAČANICA.
2. RAZMATRANJE I USVAJANJE PRIJEDLOGA ODLUKE O IZMJENAMA I DOPUNAMA POSLOVNIKA OPĆINSKOG VIJEĆA GRAČANICA.
3. RAZMATRANJE I USVAJANJE ODLUKE O OBAVLJANJU STRUČNOG OSPOSOBLJAVANJA NEZAPOSLENIH OSOBA VISOKE STRUČNE SPREME S PODRUČJA OPĆINE GRAČANICA U ORGANU UPRAVE I PRAVNIM SUBJEKTIMA IZ JAVNOG I PRIVATNOG SEKTORA.
4. RAZMATRANJE I USVAJANJE ODLUKE O BROJU I VISINI STIPENDIJA UČENICIMA SREDNJIH ŠKOLA I STUDENTIMA ZA ŠKOLSKU 2018/2019.GODINU.
5. RAZMATRANJE I USVAJANJE ODLUKE O PRIJEDLOGU SREDNJOROČNOG I GODIŠNJEG PLANA POTENCIJALNIH PROJEKATA JAVNO PRIVATNOG PARTNERSTVA (JPP-a).
6. RAZMATRANJE I USVAJANJE PLANA SANACIJE GRAĐEVINSKOG ZEMLJIŠTA.
7. RJEŠENJE O PRIVREMENOM IMENOVANJU PREDSJEDNIKA I ČLANOVA UPRAVNOG ODBORA JZU „DOM ZDRAVLJA“ GRAČANICA.
8. INFORMACIJA O STANJU PUTNE INFRASTRUKTURE NA PODRUČJU OPĆINE GRAČANICA.

Dnevni red je usvojen jednoglasno.

TAČKA 1

RAZMATRANJE I USVAJANJE NACRTA ODLUKE O IZMJENAMA I DOPUNAMA STATUTA OPĆINE GRAČANICA

Učesnici u diskusiji su:

Fadil Mešić:

„Pošto se radi o Nacrtu Odluke o izmjenama i dopunama Statuta Općine Gračanica moje razmišljanje ide u sledećem pravcu. Član 29. Statuta Općine Gračanica, prijedlog je u Nacrtu da Predsjedavajući i zamjenik budu volonteri.

Moje razmišljanje i stav će biti da Predsjedavajući Općinskog vijeća treba da bude i ostane profesionalno lice, koje je zaposleno. Evo zašto. S obzirom da ćemo danas imati i Poslovnik o radu Općinskog vijeća Gračanica, te da se tamo spominje prijem novog radnika koji bi nosio naziv referent za odnose sa Vijećima MZ-a, te poslove i do sada a i u buduće bi mogao da obavlja Predsjedavajući Općinskog vijeća, kao profesionalac. Jer ukoliko bi ostali bez, da kažem profesionalnog predsjedavajućeg, to bi bila degradacija zakonodavne vlasti opštine Gračanica. I ja ću biti protiv i sada i kad bude došao prijedlog za Odluku. Predsjedavajući mora biti i ostati profesionalno lice iako je to bio stav i Klub SDP-a i SDA, došlo je vrijeme da se zakonodavna vlast u Gračanici, a to je i povelja Evropske komisije za ljudska prava i razvoj demokratije na žalost, da se jača zakonodavna vlast na lokalnim nivoima. Prema tome predsjedavajući Općinskog vijeća treba biti profesionalno lice i ja ću takav stav zauzeti vjerovatno da takvo mišljenje dijele i kolege iz opozicije“.

Hasić Ibrahim:

„Ja bih isto nešto rekao o ovom članu 29, ali bih ja rekao suprotno kolegi Mešiću i vjerovatno i svim ostalim koji budu mislili kao on. S obzirom da smo bili jednoglasni kod konstituisanja Vijeća i svi smo razgovarali u predizbornoj kampanji protekloj, da će moći na deprofesionalizaciju predsjedavajućeg Općinskog vijeća. Ja sad gledam sve one koji budu mijenjali taj svoj stav primili su na prljav asfalt, pa zašto da polažu to. Moj lični stav, bez razlike na stav mog Kluba, ja ću uvijek zastupati ono što sam zastupao prije tri godine, i četiri i pet s obzirom da sam dugo tu. Znači, moj lični stav, a klub će iznijeti svoje mišljenje i u ime Kluba će iznijeti neko drugi. Samo deprofesionalizacija, da ispoštujemo ono što smo lagali građanima da ne ispadne da smo slagali, nego, nakon dvije godine izvršimo ono što smo ljudima obećali“.

Fadil Mešić:

„Dakle, s obzirom da se radi o prijemu novog radnika u općini koji bi vodio poslove referenta sa radom Vijeća MZ-a znači umjesto toga, da se ne prima novi radnik u Opštinu nego da zadržim da to obavlja predsjedavajući Općinskog vijeća. To je moj stav bio, ništa više“.

Edin Šehić:

„Nadam se da ponovni pokušaj mislim da je treći, neće doživjeti propast, vezano za izmjene i dopune Statuta za razliku od predhodnih ovaj je dosta, evo sadržajiji, više članova se obuhvata. Ponovo se kačamo samo člana 29, puno stvari mi trebamo mijenjati. Svakako ćemo se uključiti u to, a to će pokazati, nadam se i javna rasprava i svi oni sudionici koji žele poboljšati rad Općinskog vijeća. Evo proći ću kroz predložene članove, predsjedavajući i

zamjenik predsjedavajućeg svoju dužnost obavljaju na volonterskoj osnovi, po meni je sasvim svejedno da li će to biti novo lice ili će to predsjedavajući primati platu, samo da rade u interesu građana, odnosno da imaju dobru komunikaciju sa Vijećima MZ-a i da imamo dobre materijale. Tako, da evo nemamo konkurentnu predstavu šta je bolje ali volio bih zaista u opisu radnog mjesta tog novog lica, a ko je to za procenat bolje nego do sada, onda nisam zadovoljan. Ja bih zaista prihvatio da predsjedavajući bude na volonterskoj osnovi, možda će ta osoba ispred opštine biti za bolji rad sa vijećima MZ-a. Takođe ću se osvrnuti na član 68. Statuta, gdje sam protiv ovako predloženog načina, prije svega gdje smanjujemo demokratičnost u MZ jer bih najsmretniji bio da u svim MZ-a biramo aktivne ljude i one koji su svojim MZ-a mogu nešto uraditi bez politike. Na žalost, ne možemo, tako da evo moramo politiku uključiti i svakako ne bih prihvatio da se smanjuje broj članova. Samom činjenicom da u proteklom periodu više puta sam apelovao, tražio pojašnjenja, zašto u Mjesnoj zajednici Malešići i Mjesnoj zajednici Stjepan Polje se ne poštuje Statut Opštine. Rekli su svašta nešto, a evo nadam se da su ovim odnosno žele pokušati da cementiraju trenutno broj vijećnika, što ja sam duboko protiv i želim da ostane kako jeste trenutno stanje. A ove izmjene vezano za eventualno smanjivanje članova Vijeća MU-a podržavam. S tim što je ovdje navedeno Općinsko vijeće donosi Odluku o prestanku mandata članova u Vijeću MZ na prijedlog Vijeća MZ u slučaju da članovi Vijeća MZ ne uče stvaraju u radu ili prijedlog političkog subjekta koje ga je predložilo, odnosno ukoliko lice odbije poslušnost političkom subjektu, ono će biti automatski smijenjeno. Mislim da Općinsko vijeće ovdje ne treba donositi nikakvu Odluku o prestanku već to sve Vijeće MZ treba da radi sa svojom naravno većinom. I slažem se da ukoliko vijećnik ne radi svoj posao kako treba, da ga Vijeće MZ svakako treba smijeniti i tražiti novi prijedlog od političkog subjekta za novog člana koji bi vjerovatno opravdao svoj mandat. Samim tim što u članu 7. Statuta stoji Opštinsko vijeće ima pravo da poništi Odluku Vijeća MZ ukoliko se krše zakon, Statut Općine i drugi akti MZ-a sasvim dovoljno govori da ukoliko Odluka o zamjeni člana Vijeća MZ-a bude protivan propisima, da Općinsko vijeće može poništiti tu Odluku, mislim da je suvišno da Općinsko vijeće donosi Odluku o zamjenskom članu Vijeća MZ-a. Ovdje nije predloženo koliko će trajati rasprava o ovom nacrtu, ali ja mislim da je sasvim dovoljno 30 dana, neka su godišnji odmori, ali da ovo maksimalno ubrzamo i da do izbora novi Statut ugleda svjetlo dana“.

Vahidin Smajlović:

„Mi u Klubu SDP-a smo svakako razmatrali ovaj nacrt Odluke o izmjenama i dopunama Statuta Općine Gračanica i podržat ćemo ga danas mi u ovakvom obliku. Ja ovdje ne bi sad iznosio svoje mišljenje vezano za pojedine odredbe. Mi ćemo podržati ovakav nacrt, ali je jako bitno da se svi maksimalno uključimo u rad oko izmjena i dopuna i da uradimo Statut koji će biti po mjeri svih građana i kako zakonodavne, tako i izvršne vlasti Općine Gračanica. U tom dijelu, ja mislim, ovo što je kolega Šehić predložio 30 dana za raspravu, smatram lično da je to malo i da bi mi trebali ovdje, naročito zbog toga što idu izbori, u nekih da kažem 90 dana nađemo neku granicu da damo vremena za javnu raspravu. Moramo na to misliti jer će se okrenuti na ibore, tako da mislim da u nekih 90 dana imamo svi vremena da se uključimo, svi politički subjekti, nevladine organizacije i svi građani i da zaista izradimo Statut onakav kakav nam treba jer je činjenica da postojeći Statut ima dosta manjkavosti i to trebamo mijenjati“.

Hasan Puškar:

„Komisija za propise i Statut, kad je pravila ovaj radni materijal, odnosno nacrt vodila se prijašnjim nekim sugestijama, primjedbama i to smo mi uvrstili u radni materijal. Pošto su svi tamo zagovarali mjesto predsjedavajućeg da bude volonterski, mi smo to stavili u prijedlog. Moje lično mišljenje je da mi nismo baš opština da se to radi volonterski, jer je veća općina sa većim brojem stanovnika i ako mislimo kvalitetno raditi u lokalnoj zajednici i sa MZ-a, mislim da to nije posao da se obavlja volonterski.“

Član 4 prijedloga Odluke gdje smo smanjili broj članova u Vijeću MZ-a, čisto da bi Vijeća MZ-a bila operativnija a i da bi se lakše obezbijedio kvorum. Bilo je čak prijedloga da bude i manje. Ali to je do nas, radni je materijal, nacrt je i vidit ćemo kako će biti dalje. Mandate članova Vijeća MZ-a, ovdje smo mi pokušali otprilike taksativno nabrojati, kad sve može, da ne bude propusta, sad imamo da ljudi ne dolaze, napustili su Vijeća MZ-a, a ni tehnički ne možemo izvesti da nekoga zamijenimo, jer je izabran a neće nikad doći a ljudi ne mogu raditi. E sad mi moramo tačno definisati kad sve možemo zamijeniti člana Vijeća MZ-a. I slijedeće MZ su dužne uskladiti svoje Statute s ovom Odlukom. Evo imamo primjer sad kad faktički ne možemo zamijeniti Statut u nekim MZ-a. A sad ako vijeća neće sama da usklade Statut sa općinskim Statutom Općinsko vijeće će ga automatski uskladiti sa Općinskim Statutom itd. Komisija je znači ako se vodimo Planom rada Vijeća mi smo planirali to u desetom mjesecu da raspravljamo o prijedlogu Odluke. I zato smo predložili tri mjeseca raspravu to jest do 21. 9. 2018.godine. Ako ima nekih drugih prijedloga, to je nešto drugo, ali je predloženo 90 dana ako ćemo se držati Programa rada vijeća za 2018.godinu“.

Džemal Jukan:

Evo ja ću se prvo malo nadovezati na diskusiju gospodina Hasića koji kaže da smo bili svi jednoglasni i svi smo se založili da predsjedavajući bude volonter, da smo to obećali svojim biračima itd. Moram reći da Stranka za BiH nije obećala svojim biračima. Naprotiv, mi smo obećali biračima da ćemo raditi da umjesto predsjedavajućeg bude onako kako mu pripada po Statutu. Ono je i prije tog bilo devalvirano i bilo je u sjeni Izvršne vlasti, da se to mora vratiti na onaj nivo koji mu pripada. Da vijeća MZ-a treba ojačati i finansijski i svakako i statutarno. To je bila naša poruka, naše viđenje biračima, tako da u tom dijelu nismo bili svi isti. Međutim, kad se krenulo, bitno je bilo ovdje ko će prvi izaći ta mikrofon da predloži odmah deprofesionalizaciju jer je to bila prva naša sjednica i samo jedna tačka dnevnog reda, jedan član da se mijenja, da bi se evo, jer je toliki pritisak građana, birača, da se to čini i uradi. Mi smo tad predložili još neke stvari i mi smo to i napisali pismeno kad je bilo traženo od nas, ali njih nema ovdje u prijedlogu ovog nacrta. Predsjednik komisije reče da su oni uzeli u obzir sve dosadašnje prijedloge koji su bili međutim prijedlozi Stranke za BiH koji su pisani, dostavljeni kolegiju odnosno Općinskom vijeću postoji tamo i nema ni jednog ovdje koji je uvršten. Tako da vjerovatno Stranka za BiH će biti suzdržana oko ovog nacrta. Svakako da se treba mijenjati Statut, jer ovaj Statut činjenica definiše izbore u MZ-a i to je dovoljno, jer do sada nije bilo definisano i to je u redu. Druge stvari se uopšte nisu dotakle, osim je li to profesionalac ili nije. I ovdje mislim da se išlo da ovi koji nisu poštovali Statut, da se nagrade. Jednostavno nisu ga prilagodili neće ga prilagoditi i to je promjena, evo druga godina i evo sad ćemo smanjiti kvotu i oni će biti dobri u toj kvoti i nije problem, idemo dalje. Mislim da to nije dobra odluka, tako da ćemo vjerovatno biti suzdržani po pitanju nacrta“.

Hasić Ibrahim:

„Evo dobro je da jednim metkom ubijem dva zeca. Ovo je bilo kolegi Šehiću, djelimično se ja sa njim slažem kad je u pitanju da Općinsko vijeće mijenja članove Vijeća MZ-a itd. Ali kad je u pitanju član 68 da ga ja ne ponavljam znači radi se o broju članova Vijeća MZ-a. Vama je teško shvatiti, koji nemate MZ-a pod svojom da kažem kontrolom, koji nemate predsjednika Vijeća MZ-a. Vi ne možete da shvatite šta znači dva vijećnika više. To je, automatski prije dolaziš u poziciju da nemaš kvoruma. Ja imam svoj stav, imam svoj princip. Dok sam ja, a dokle ću biti to je dokle bude htio narod u Malešićima, evo ja mogu sada ponoviti ovdje i kazati ponovo nisu usklađeni Malešići, nije usklađeno Stjepan Polje. Malešići su davno uskladili Statut pred 700 prisutnih građana koji su broj vijećnika u MZ Malešići žigosali i kazali taj je broj. Prema tome, kroz ovaj Statut, tu se ne slažem, da će Općinsko vijeće usklađivati Statut MZ sa Općinskim statutom, onda može to i sada. Jer Vijeće MZ usvaja Statut, usvaja Općinsko vijeće. Prema tome vi mora da znate, ponavljam, vi nemate predstavu koji nemate u rukama MZ. Nemate predstavu šta znači dva člana više, šta

znači dva člana manje. I prema tome dok MZ-a radi, da li ona ima devet, da li ona ima jedanaest, da li ima trinaest ili petnaest, de da se mi pozabavimo tamo gdje MZ ne rade nikako, gdje i koji je broj članova Vijeća, o tome se svi malo pozabavite. Da sad kažem, kad ste tolike patriote, mene čudi onda da vaše baze vas nisu prepoznale. Da napravimo nešto novo, ja bih prihvatio da to i u Malešićima bude nešto novo, na vašu inicijativu. Ali ne samo tamo gdje ide dobro, to je samo zavidluk, pa hajde malo da pokvarimo. Nemate predstavu šta znači dva člana više, šta znači dva člana manje. I prema tome dok MZ-a radi, da li ona ima devet, da li ona ima jedanaest da li ima trinaest ili petnaest, de da se mi pozabavimo tamo gdje MZ ne rade nikako, gdje i koji je broj članova Vijeća, o tome se vi malo pozabavite. Da sad kažem, kad ste toliko patriote, mene čudi onda da vaše baze vas nisu prepoznale. Da napravimo nešto novo, ja bih prihvatio da to i u Malešićima bude nešto novo, na vašu inicijativu. Ali nemamo tamo gdje ide dobro, to je samo zavidluk, pa hajde malo da pokvarimo. Ne može se u Malešićima pokvariti, ni u Stjepan Polju ni u Prijekom Brdu, ni u drugim MZ-a tamo gdje u MZ rukovodi neko ko ima po 17 po 20 godina i vjerujte neće to tu mijenjati puno ništa“.

Senahid Džebo:

„Vječito prozivanje za Statut MZ. Evo što kaže kolega Hasić MZ su usvojile i rade po Statutu MZ, bez obzira šta i kako drugi mislili. Evo ima vas ovdje, a to smo rekli na jednoj od predloženih sjednica, ima nas ovdje koji konstantno napadamo i pričamo o radu Vijeća MZ. Ja sam čak tražio i spisak vijećnika koji su u Opštinskom vijeću, a nisu uključeni u svoje matične MZ. Imali su pravo na osnovu izbora za Opštinsko vijeće sa 3 % da uđu u rad Vijeća MZ i da pripomognu tome. Međutim, najlakše se iskučiti u stranu, doći ovdje kritikovati i misliti, to je sve i treba neko drugi da im nešto uradi. Neko drugi da im nešto uradi. Neko drugi će njima napraviti, ono što su njihove želje. Kolega Šehiću vi kažete za broj članova u Vijeću MZ-a navedeno je ovamo neparni količnika da se bira. Sjedite, ekonomista ste izračunajte, smanjenjem ovim šta će se dobiti u Vijeću MZ Stjepan Polje. Odnosno ko će dobiti više mandata obzirom da politička partija koja osvoji 3 % zaslužuje mandat. Svaki naredni znači smanjenjem šta se dobija. Ne radi se tu što vi govorite da se neki politički subjekat isključi, naprotiv, radi se o ovome što kolega Hasić kaže, da imamo operativni broj ljudi koji radi. A preračunajte pa ćete vidjeti kako će ispasti što se mene lično tiče ja ću uložiti nekakvih možda prijedloga, ne znam kako će i Vijeće MZ samo reagovati na ovo. Mislim da ima i propusta. Općinsko vijeće ima pravo da poništi Odluke Vijeća MZ-a, kaže ako su u suprotnosti sa zakonom, a evo mi smo ovdje pokazali na predhodnim sjednicama kad smo raspravljali šta je u skladu sa zakonom, da nemamo faktički pojma, nismo ti koji se možemo baviti i pravom. Nismo ti koji možemo sjesti i baviti se pravom te reći šta je u skladu sa zakonom a šta nije. I to treba znači definisati. Daljna stvar koja me ovdje zasmatala, kaže, MZ su dužne uskladiti svoje statute sa ovom odlukom u roku od šest mjeseci. dobro je, neka stoji. Stupanjem na snagu ove Odluke, prestaju da važe odredbe Statuta MZ koje su u suprotnosti sa odredbama ove Odluke. Stupanjem na snagu ove odluke kako ja znam prestaju da važe svi statuti MZ-a. I mi ćemo poći sa ovim članom, članom 68. Statuta MZ gdje se mijenja broj vijećnika u Vijeću MZ, neće nam biti usklađeno i prestat će da vrijedi i direktno ćemo primjenjivati Statut Opštine. Takođe ovdje što je napravljen propust, a razgovarali smo u proteklom periodu, ne radi se ovdje o MZ koje su što kažu i jake i imaju i način finansiranja i svega. Raspravljali smo na par sjednica o naknadama za predsjednike Vijeća MZ-a, na koji način izregulisati šta ćemo sa Vijećem MZ-a koji nemaju prihoda. Je li i dalje mislimo da će neko raditi na volonterskim osnovama, a tražimo od ljudi odgovornosti. Ne pričamo ovdje o MZ koje imaju svoje finansiranje na neki način, ostvaruju prihode, mogu ljude platiti. Međutim mi tražimo uvijek odgovornost od predsjednika a niko te ljude ni na koji način nije stimulisao. Toliko što se mene tiče, a ja ću pismeno dostaviti, ako budem imao prijedloga“.

Edin Šehić:

„Kako kaže moj kolega Hasić, da ubijamo jednim metkom. Drugo mi je što su se našli prozvani predsjednici MZ-a koje sam već pomenuo i drago mi je što su ovdje javno rekli da poštuju Statut opštine Gračanica, volio bih da se to i utvrdi, ali evo nećemo dalje na široko. Kolegi Džebo samo bih rekao, da vezano za ekonomistu i metod neparnih količnika, kolega Džebo ukoliko bi to primjenili trenutno da ste uskladili Statut jer imate 15 vijećnika. Vi bi imali još predstavnika BOSS-a i BPS-a, što bi automatski možda ugrozilo vašu trenutnu poziciju. Ali evo nećemo dalje o tome. Ja imam pravo replicirati. Mislim da je ovdje parlamentarno da izađemo i svi kažemo svoj stav. Kolega Hasiću što vi govorite da mi neki ne kotiramo u MZ, jer vam kažem da ja kotiram u svojoj MZ i hvala svim građanima i na općini Gračanica vrlo dobro kotiram. Moj rad će se vjerovatno prepoznati, možda treba vremena. Ali stalno izlazite i nešto govorite kao da mene tamo narod ne prihvata. Možda oni koji vam to govore nisu dobro informisani. A vi se bavite u svojoj MZ, a ja ću naravno u svojoj i Džebo ja jesam u Vijeću MZ-e, možda nisi znao, a jesam i djelujem kao neka blaga opozicija ali da ne politiziramo zaista puno, ja sam samo tražio da se poštuje zakon, da se poštuje Statut Općine i sve ovo vrijeme sam tražio da se uskladi. Evo krenuli smo u proceduru izmjena i dopuna, nadam se da ovi famozni članovi koje spominjete, na kraju da se moraju uskladiti da će zaista krenuti rigorozne mjere za sve one koji ne poštuju. Vijeće MZ usvaja Statut, ali gospodo mi ovdje smo zakonodavna vlast općine Gračanica, mi smo „amin“ na kraju. Dakle, ako vi ne poštuju instituciju Općine i Općinskog vijeća, na žalost mora biti raspušten. A onda ćemo dalje kako zakon i Statut nalaže. I evo možda Klub Stranke za BiH da predloži obzirom da ima profesionalaca u Vijeću MZ, da profesionaliziramo predsjednike Vijeća MZ-a i damo im naknade a ovdje neka bude predsjedavajući“.

Predsjedavajući Vijeća je zamolio da se govornica u toku sjednice ne treba koristiti za međuosobna prepucavanja, jer se dovode u nezgodnu situaciju drugi vijećnici koji bi možda izašli sa sjednice.

Hasan Puškar, predsjednik Komisije za propise i Statut:

„Zamolio bih vas kad nešto čitate, da čitate do kraja. Član 9 jasno i glasno kaže, da će se sve ovo početi primjenjivati makar isteka mandata, što znači i mijenjanje broja vijećnika itd. A ovo je radni materijal, a kad bude javna rasprava ovdje, garantujem da neće biti prisutno više od pet ljudi, a svi ovdje nešto pričamo. Hajde da se svi uključimo i po MZ, svi mi, jer se ovo tiče i MZ-a. Evo svi smo na raspolaganju a mi smo najmanje deset put zasijedali, komentarisali i ponudili smo radni materijal. Ovo je naša ideja usklađena sa vašim primjedbama. Hajde da odvojimo čitav dan i razmotrimo član po član Statuta i vijećnici i predsjednici Vijeća MZ-a. I opet kažem, mi smo ti koji donosimo odluku, hajde da mi donesemo Odluku da predsjednik Vijeća MZ mora imati naknadu da bi on radio ažurnije. Ja sam 12 godina bio predsjednik i dosta je džaba raditi, volontirao. I kažem vam 100 %, ne treba džaba raditi ništa. Znači neko hoće kvalitetan rad, da se radi ima da se plati. To može biti nešto simbolično ali da se plati, ali mi smo ti koji donose Odluku. Hajde da u budžetu donesemo Odluku da to i to, odnosno regulišemo u Statutu u Poslovniku šta sve treba donijeti. Mi smo ti i nemamo se šta između se prepucavati. Izvoli uložiti amandman na nešto i donesemo Odluku, stavimo u Statut, u Poslovnik i budžet i završeno. Hajde da idemo dalje, svi se uključujemo i svi dođemo na javnu raspravu kad bude organizovana ovdje u sali, vijećnici i predsjednici Vijeća MZ-a, ne treba nam niko više. I da napravimo kvalitetan prijedlog i izmijenimo Statut, jer ima tu mnogo što-šta se mijenjati. Imamo evo tri mjeseca za raspravu“.

Hasić Ibrahim:

„Ja bih samo s obzirom da je kolega Šehić govorio da mi praktično ne poštuju Statut općine. Ja kad sam u ovoj sali ovdje i u ulozi vijećnika ja itekako poštuju Statut. Poštuju sve naredbodavce tamo koji su u domenu da mi naređuje neko. A kad sam u

Malešićima u ulozi predsjednika Vijeća MZ-a i kad imam Vijeće onda poštujem Statut MZ-a Malešići“.

Arnes Avdić:

„Ja imam samo jedno pitanje za predsjednika Komisije. U članu 6 ove Odluke, član 70 kaže, upućivanjem na izdržavanje kazne zatvora duže od 3 mjeseca, znači prestaje mandat članu Vijeća MZ, ja bih samo da obrazloži, zbog čega, kako, da ne bude član Vijeća MZ-a a bude član Općinskog vijeća, Kantonalne Skupštine, Federalnog parlamenta itd., odnosno je li u skladu sa Izbornim zakonom?“

Gadžić Rahim:

„Nisam planirao da se javim, međutim, opet idemo kroz diskusije i pokušavamo da ovaj najvažniji dokumenat, Statut Općine Gračanica politički pravimo. Hajde da radimo i da bude provodiv na čitavoj opštini. Evo znamo svi šta to treba mijenjati, ne mogu funkcionisati vijeća, ne može ovo, ne može ono i evo sad smo se dogovorili da idemo u tom pravcu da popravimo nešto i opet se vraćamo unazad i opet istu priču ponavljamo. Ja bih vas zamolio, sebe prvog i sve ostale, da donesemo Statut koji će biti provodiv i na temu i od kojeg će građani sigurno imati nekakvu korist. Ostavimo se malo politike, u Statut ne treba ugrađivati politiku, nego život i funkcionisanje Vijeća MZ i svih stanovnika koji treba da očekuju korist od ovog akta. Ako ovako nastavimo i vraćamo se nazad, te kroz Statut se naglasavati nego da ga kvalitetno izmijenimo, ili da ostavimo ovaj po kome radimo do sada. Ovo je nacrt i ne mogu shvatiti Džemale izvini, kad kažeš Stranka za BiH neće podržati nacrt, a imamo vremena i prostora da svi djelujemo i amandmanski kako bi došli do što kvalitetnijeg prijedloga. Kad se zatvori diskusija pa ja tražim pauzu od pet minuta, prije izjašnjavanja“.

Puškar Hasan:

„Član 70 da ne bi mi dali, neadekvatan odgovor, dobit ćeš Arnese pismeni odgovor sa svim članovima, stavovima itd., po kojima se pozivamo u članu 6 ove Odluke. Ovo je dokaz šta mi treba hitnije da radimo. Tamo kaže jedno jedna diskusija, jedna replika, toliko minuta i slično. Džemo, nema ljutnje, dogovorili smo se da nema nešto pismeno i ako ja to nemam, ugasi mikrofon, prekini sjednicu, ako se ne poštuje nešto. Ja da sam predsjedavajući, ja bih tako uradio. Moramo, jednom početi poštovati to što piše i što smo usvojili. Nećeš se naljutiti, naveo sam ovo, jer ću i ja sutra možda izaći i reći usmeno, pa ćemo na kraju to svi uraditi. Ako je pauza, usaglasimo i idemo dalje. Evo ide Poslovnik pa ćemo istu priču pričati“.

Edin Ibrišević:

„Ja bih se prije svega osvrnuo na ovu našu Odluku i na član 29. Statuta koji se mijenja, da predsjedavajući Vijeća obavlja svoj posao volonterski, a odmah na narednoj tački donosimo Odluku o izmjenama i dopunama Poslovnika Općinskog vijeća Gračanica, gdje predsjedavajućem u tom istom dajemo neka dodatna zaduženja i obaveze i mislim da to nije ni u skladu, da treba mijenjati ili jedno ili drugo. Dalje, osvrnuo bih se na član 4, ako niko neće poštovati, ja ne vidim zašto nama uopšte treba član 4. Ovaj put, evo kaže kolega Hasić, kolega Džebo za toliko ljudi donešena Odluka itd. Sutra će te imati takvu odluku da je donešena u Pribavi, pa ovo što sad ovdje stoji i što piše ne vrijedi u Pribavi. Znači, nemam ništa protiv toga da ovaj član 4 izbrišemo skroz, ali da onda imamo legalnu vlast u svim mjesnim zajednicama. Dalje, ovdje se zbilja ne bih prepucavao, ali moram dati odgovor. U jednoj diskusiji kolege Džebe, smatram se prozvanim. Kaže, ima vijećnika koji nisu angažovani u Vijeću MZ-a. Ni u Stjepan Polju, s obzirom da nismo bili neki veliki politički subjekat i da nismo imali puno mjesta, mi smo donijeli Odluku da svi ljudi iz mjesnog odbora našeg političkog subjekta budu zastupljeni i da se angažiraju. I takav je bio način. Kad smo

ušli u izbornu kompaniju imali smo kandidate za Vijeće i tad smo znali ko će biti kandidati za Vijeće MZ-a, te smo otvorili prostor tim ljudima. Mi, za razliku od njega ja smatram da jedan čovjek ne treba obnašati više funkcija, da mu je dovoljna samo jedna funkcija. Tako da u tom dijelu ne bih da dalje ulazimo u diskusiju, ali ako ćemo imati ponovo ovu situaciju, hajde da izbrišemo član 4. Nek to budu statuti MZ-a, neka to MZ usvaja Statute i reguliše onako kako kojoj MZ odgovara. Evo u Malešićima, reći ću nešto i u korist kolege Hasića, da je taj broj koji on gore ima, odgovara od prilike broju zaseoka, mahala u Malešićima pa mu se taj broj poklapa i sad ne bi da uvodi neke nove ljude itd. Znači da idemo na varijantu da svako Vijeće MZ donese svoju odluku ili da se ovdje uvede, koja je obaveza. I u prošlom Statutu je pisalo, odluke, direktno će se primjenjivati odredbe Statuta Općine Gračanica, a ne primjenjuju se. Zašto onda ovdje stoji da ćemo ići u smjenu predsjednika i kompletnog rukovodstva Vijeća MZ“.

Hasan Puškar:

„Mi smo upravo diskutovali o Poslovniku, namećemo predsjedavajućem više poslova, a u Statutu tražimo da čovjek radi volonterski, što nema logike. Ali mi bi danas, ako taj Poslovnik prođe i vjerovatno ako usvojimo izmijenjenu član 29. Statuta, onda ćemo morati mijenjati Poslovnik. A član 4, ne pita niko nikoga hoće li on primjeniti ili neće. Općinsko vijeće je zakonodavna vlast i svi se moraju pridržavati, od načelnika do MZ, odluka Općinskog vijeća. I to je jasno i glasno. Ako se ne bude pridržavao člana a sad smo definisali, imamo u članu 8 definisano ko će to prilagoditi. Sad smo definisali da od slijedećeg saziva Vijeća, nema ja hoću, ili ja ne dam u Sokolu i ko mi šta može. Ako nećeš, znači ljudi će smijeniti i mene a Statut će prilagoditi. Zato da ne bi ukinuli član 4, utvrdili smo član 8 gdje smo možda još bolje trebali definisati. Zato smo tu da to prilagođavamo“.

Predsjedavajući Vijeća je dao pauzu u trajanju od deset minuta pošto nije bilo više prijavljenih članova Vijeća za diskusiju.

Predsjedavajući Vijeća u nastavku sjednice je definisao zaključak koji glasi:

„Usvaja se Nacrt Odluke o izmjenama i dopunama Statuta Općine Gračanica.

Nacrt Odluke stavlja se na javnu raspravu u trajanju od tri mjeseca ili 90 dana. Javnu raspravu će provesti Komisija za propise i Statut, izbor i imenovanja, općinska priznanja i obilježavanje značajnih događaja i ličnosti i Stručna služba Općinskog vijeća Gračanica u skladu sa Odlukom o javnim raspravama na općini Gračanica. Sve primjedbe i prijedlozi se mogu dostaviti nadležnoj Komisiji za provođenje javne rasprave i Stručnoj službi Vijeća“.

Zaključak je usvojen sa 21 glasom „ZA“, ali izražena je sumnja na rezultat pa se izjašnjavanje obavilo poimenično.

Nakon poimeničnog glasanja Predsjedavajući Vijeća Nihad Krajinović je konstatovao da je nacrt Odluke o izmjenama i dopunama Statuta Općine Gračanica usvojen sa 21 glasom „ZA“ i 7 „SUZDRŽANO“

TAČKA 2

RAZMATRANJE I USVAJANJE PRIJEDLOGA ODLUKE O IZMJENAMA I DOPUNAMA POSLOVNIKA OPĆINSKOG VIJEĆA GRAČANICA

U vezi ove tačke Predsjedavajući Vijeća je naglasio da su u toku javne rasprave dostavljena dva amandmana, od strane BPS-a i SDP-a, i pročitao:

Amandman BPS-a na Poslovnik o radu Općinskog vijeća je izmjena člana i Odluke koji bi glasio „Svaka sjednica Općinskog vijeća počinje intoniranjem himne Bosne i Hercegovine. Dosadašnji stavovi 1, 2, 3 i 4 postaju stavovi 2, 3, 4 i 5“.

I amandman na prijedlog Odluke o izmjenama i dopunama Poslovnika Općinskog vijeća Kluba SDP-a glasi:

Član 22. Prijedloga Odluke o izmjenama i dopunama Poslovnika Općinskog vijeća mijenja se i glasi:

„Član 22

Član 140. Poslovnika mijenja se i glasi:

Na početku svake redovne sjednice Općinskog vijeća izdvojit će se sat vremena za vijećnička pitanja i inicijative.

Jedan vijećnik na jednoj redovnoj sjednici može postaviti najviše tri vijećnička pitanja i inicijative. Pitanja i inicijative obavezno se dostavljaju u pisanom obliku Stručnoj službi Općinskog vijeća. Vijećnik koji ne dostavi pitanje ili inicijativu u pisanom obliku nema pravo isto postaviti usmeno. Vijećnička pitanja i inicijative obrađuje Stručna služba Vijeća i dostavlja ih nadležnim institucijama i pribavljane pismene odgovore upućuje vijećniku koji je pitanje ili inicijativu postavio i svim klubovima vijećnika Općinskog vijeća, te ih objavljuje na službenoj web stranici Općine Gračanica.

Inicijativa o kojoj se traži izjašnjenje Općinskog vijeća podnosi se u pisanoj formi, najkasnije 48 sati prije početka sjednice na kojoj se traži izjašnjenje o inicijativi. Općinsko vijeće se može zaključkom odrediti o predloženoj inicijativi“.

Hasan Puškar predsjednik Komisije za propise i Statut iznio je slijedeće:

„Što se tiče amandmana Komisija je vodila raspravu o istim i izjašnjavala se. Amandman BPS ima Zakon o državnoj himni koji reguliše to i nije prihvaćen, kao i amandman SDP-a, ostaje Komisija uz prijedlog kao što je bilo u nacrtu. Komisija ima amandman koji glasi:

„U članu 12. Odluke u stavu 2 riječi „drugi“ brišu te stav dva da glasi:

Ako učesnik u radu sjednice krši odredbe Poslovnika za govornicom, predsjedavajući Vijeća će ga opomenuti, oduzeti mu riječ ili prekinuti sjednicu.

I u članu 27. Odluke o dodatnom članu 144 c stav 1 mijenja se i glasi:

„Općinsko vijeće obavezno je usvojiti šestomjesečni i godišnji Izvještaj o radu Općinskog vijeća i isti nakon usvajanja na sjednici Općinskog vijeća objaviti“.

Učesnici u diskusiji su:

Senahid Džebo:

„Na predhodnoj tački imali smo, da će se primjenjivati od novog saziva a evo i ovaj prijedlog isto tako. Donosimo nekakve odluke i vjerovatno ćemo se i oko ovoga raspravljati i onda kažemo izmjena člana 20. Poslovnika u pogledu najmanjeg broja vijećnika za informisanje kluba vijećnika neće se odnositi na već formirane klubove vijećnika u Općinskom vijeću Gračanica pa šta mi onda radimo? Zašto ovo radimo?

A dole kaže Odluka stupa na snagu danom objavljivanja u Službenom glasniku Opštine Gračanica. Nemojte da pravimo cirkus. Ako smo donijeli odnosno ako je donosimo onda je primjenjujemo odmah. Znači ja sam za to da se član 28 briše“.

Edin Ibrišević je replicirao:

„Predsjedavajući malo prije u diskusiji na Kolegiju upozorili ste me u vezi sa Poslovníkom. Nisam na vrijeme podnio amandman, pa se ne mogu vršiti nikakve izmjene. Mislim da je i ovdje situacija jasna, da izmjene nema“.

Hasić Ibrahim:

„Kod podnošenja vijećničkih pitanja i vijećničkih inicijativa naravno i ranije je to bilo, da u svakom slučaju mora biti pisana forma. Međutim, nije to precizirano. Znači trebalo bi to precizirati, da recimo ukoliko xy ima pitanje ili inicijativu, treba prije da preda Službi pa onda da dobije uključuje na mikrofon“.

Džemal Jukan:

„Evo ja bih prokomentarisao ove amandmane koji su službeno uloženi. Mislim da ovaj amandman SDP-a, moje mišljenje je da ima smisla, jer evo samo da kažemo da bi bilo to drugačije kako je predloženo u ovom nacrtu. Ako ćemo diskutovati o inicijativama i vijećničkim pitanjima, vi znate da naše inicijative su toliko široke i vijećnička pitanja, da obuhvate sve segmente života, rada na opštini raznih domena i ako bi otvorili diskusiju, npr. Džemal Jukan će postaviti neko pitanje iz Pribave, nebitno po kom osnovu. Niti ima te materijale, niti imate informacije oko toga, niti znate na kraju krajeva o čemu se radi. Možda to pitanje kome je upućeno, on će shvatiti o čemu se radi, jer ako otvorimo ovdje diskusiju, jer spremni smo sve politizirati, mislim da bi nam taj sat koji je predviđen za vijećnička pitanja i inicijative mogao se pretvoriti u sjednicu i da faktički imamo jednu sjednicu. Ako se otvori diskusija, po diskusiji trebamo imati neki zaključak. Neko će nas isprovocirati s pitanjem da otvorimo diskusiju, a onda moramo donijeti i zaključak. Zaključak Općinskog vijeća je obavezujući za nešto bez materijala, bez pripreme. Nego te stvari za koje smatramo da bi se moglo diskutovati i doznati zaključak da to putem klubova, kolegiju predložimo da se to stavi na dnevni red i da o tom raspravljamo. A da vijećnička pitanja i inicijative budu kao i do sada kako smo to radili, jer ne vidim da ćemo biti operativni i djelotvorni. Na kraju samo ćemo više se politikanstvu izložiti, a mislim da nam to ne treba. Na kraju, ne možemo donijeti kvalitetne zaključke“.

Edin Šehić:

„Dijelim mišljenje s kolegom Jukanom. Obzirom da imamo u članu 22 već u zadnjem pasusu, da inicijative za koje se traži izjašnjavanje Općinskog vijeća podnosi se u pisanoj formi najkasnije od 48 sati do početka sjednice i da se traži izjašnjavanje Općinskog vijeća, kad ćemo se svi uključiti u diskusiju i o toj inicijativi diskutovati, sasvim je logično da nemamo potrebe da diskutujemo o svim vijećničkim pitanjima i inicijativama na samoj sjednici, kako zbog ne pripremljenog materijala a i šarolikosti koje upućuju općinski vijećnici. Sasvim je dobno formulisano, da možemo, ako neko želi da se o načinu diskutuje i izjašnjava Općinsko vijeće ima 48 sati da dostavi službi koja će pripremiti materijal i dostaviti Općinskom vijeću na diskusije i razmatranje na sjednici Općinskog vijeća“.

Hasan Puškar:

„Što se tiče Džemine diskusije člana 140 tamo je čini mi se jasno naglašeno da se samo može diskutovati o pristiglim odgovorima na inicijative i pitanja, a ne o novim. Kad predsjedavajući pročita odgovor, svi vijećnici koji su dobili odgovor imaju pravo diskutovati, da to napišemo u Poslovníku. A ako mi budemo radili kao do sad što radimo, pa se svi ubacujemo. Ja se javim i postavim vijećničko pitanje, onda se svađamo i odgovaramo, ko šta

hoće. Znači da se predsjedavajući mora strogo držati Poslovnika pa nam isključivati mikrofon i tamo je definisano, ukoliko nije pismeno dostavljeno, da nema pravo, bit će mu mikrofon isključen, nema kome pričat ili će biti prekinuta sjednica. Sad ja to mislim malo bolje definisano. Moja je najviše bila ideja, da bude tačka dnevnog reda da faktički po nekom pravilu možemo diskutovati, ali samo na odgovorne koje smo dobili, a ne na nove inicijative i nova pitanja, pa da se mi sad ovdje možemo svađati tri sata. Jasno i glasno piše i to je to“.

Predsjedavajući Vijeća je zaključio raspravu i na prijedlog predsjednika Kluba Naše stranke Čamdžić Mirsada, data je pauza, kako bi se Kolegij vijeća konsultovao.

Nakon pauze, prešlo se na izjašnjavanje o amandmanima.

Amandman BPS-a na član 1 nije usvojen jer je „ZA“ glasalo 5 vijećnika, 4 „PROTIV“ a ostali su „SUZDRŽANI“.

Amandman SDP-a koji se odnosi na vijećnička pitanja i inicijative usvojen je sa 27 glasova „ZA“ i 1 „PROTIV“.

Prijedlog Odluke o izmjenama i dopunama Poslovnika, uz prijedlog Komisije i usvojen amandman SDP-a usvojen je sa 23 glasova „ZA“, 4 „PROTIV“ i 1 „SUZDRŽAN“.

TAČKA 3
RAZMATRANJE I USVAJANJE ODLUKE O OBAVLJANJU STRUČNOG OSPOSOBLJAVANJA NEZAPOSLENIH OSOBA VISOKE STRUČNE SPREME S PODRUČJA OPĆINE GRAČANICA U ORGANU UPRAVE I PRAVNIM SUBJEKTIMA IZ JAVNOG I PRIVATNOG SEKTORA

Nije bilo učesnika u diskusiji i Odluka o obavljanju stručnog osposobljavanja je usvojena jednoglasno sa 28 glaova“ ZA“.

TAČKA 4
RAZMATRANJE I USVAJANJE ODLUKE O BROJU I VISINI STIPENDIJA UČENICIMA SREDNJIH ŠKOLA I STUDENTIMA ZA ŠKOLSKU 2018/2019.GODINU

Učesnik u diskusiji po ovoj tački dnevnog reda je:

Džebo Senahid:

„Samo jedna sugestija obzirom da smo u proteklim godinama kad se radi o stipendijama uvijek ste ostavljali prostora u Odluci da se eventualno jedan ili dva člana odnosno jedan ili dva kandidata pojave da odrade taj pripravnički staž, odnosno ove stipendije, tako isto i u ovoj Odluci je trebalo možda gledati malo prostora da se može uskladiti sa tim stvarima. Da ne bi bilo ovo fiksno, na 97 kandidata i da se recimo ne može Odluka o finansiranju sprovesti iz razloga, a da se tamo pojavi jedan slučaj ili dva. Ako ima onda ništa“.

Odluka je usvojena jednoglasno.

TAČKA 5
RAZMATRANJE I USVAJANJE ODLUKE O PRIJEDLOGU PLANA DUGOROČNOG I GODIŠNJEG PLANA POTENCIJALNIH PROJEKATA JPP-

a

Kratko obrazloženje je dao Nihad Sinanović, šef Službe za upravu:

„Samo ću par rečenica, jer smo u posljednjem trenu kandidovali Odluku, bez pripreme materijala za raniju dostavu.

Naime, krajem prošle godine, u decembru mjesecu je usvojen novi Zakon o javnom i privatnom partnerstvu TK i usvojeni su podzakonski akti koji su objavljeni u aprilu tekuće godine. Nakon toga su objavljene dvije prezentacije novog zakona i novih zakonskih rješenja, podzakonskih akata i mi smo praktički početkom juna, odnosno u drugoj polovici već dobili zadatak da se dostave prijedlozi potencijalnih projekata koji bi se realizirali po principu javnog i privatnog partnerstva. Obzirom da mi nećemo imati u julu sjednicu, a da je bio juli mjesec, mi smo zato bili prinuđeni da to napravimo na ovakav način. Mi smo ovdje iz tri razloga, kratkoće tog vremena, naravno nismo stigli ulaziti, potrebe su mnogo veće, odnosno ima nekih projekata koji bi se mogli možda realizirati po ovom principu, međutim nismo imali nikakvih pripremnih elemenata, polaznih podataka, oni ova dva projekta koja vam ovdje nudimo. Iz tih razloga smo za srednjovječni, odnosno trogodišnji plan predložili ova dva projekta. A to je Privredno – Kulturno - Sportski centar Bazen i Dom na Gaju koji bi mogao ići u realizaciju za smještaj starih i iznemoglih lica. Naime 2014. godine se pojavljivao potencijalni ulagač za Dom na Gaju koji bi se rekonstruisao i već smo dobili da bi on bio negdje na 2.600.000 KM i ovaj dovršetak PKSC-a je negdje oko 2.000.000 KM. Ovo je samo Odluka o potencijalnim projektima. Znači, ne mora značiti da će se oni realizovati po ovom principu, jer mi iznalazimo mogućnosti da se Sportska dvorana privede namjeni. I ono je jedan od puteva koji bi nam donio rješenje. Vi ste bili upućeni da smo imali obećanja da će biti ove godine ulaganja od strane budžeta TK i Vlade TK, ali se to na žalost nije realizovalo. Ovo je znači samo jedan potencijalni projekat da se realizuje po ovom principu. Predlažem da se usvoji ova Odluka, a mi ćemo za naredne projekte blagovremeno Vam dostavljati materijal.Toliko“.

Nije bilo učesnika u diskusiji i Odluka o razmatranju i usvajanju Plana sanacije građevinskog zemljišta je usvojena jednoglasno.

TAČKA 6

RAZMATRANJE I USVAJANJE PLANA SANACIJE GRAĐEVINSKOG ZEMLJIŠTA

Kratko obrazloženje po ovoj tački dnevnog reda dala je Aida Hodžić, šef Službe za upravu:

„Da samo dam kratko obrazloženje. Dakle, Plan sanacije građevinskog zemljišta odnosi se na katastarske općine Stjepan Polje, Miričina i Lukavica. Zašto na njih?

Općina Gračanica je u novembru prošle godine potpisala sa Federalnom geodetskom upravom i jedinicom za projekat registracije nekretnina.Ugovor o realizaciji harmonizacije podataka zemljišne knjige i podataka katastra nekretnina za ove tri katastarske općine. Možda ste primjetili i obratili pažnju u samom obrazloženju da je čitav taj projekat predviđen da traje do kraja 2018. godine i ne zna se, da li će ponovo biti produžen odnosno da li će biti sredstava i da li će biti obezbijeđena. Mi smo kao općina u ovom zadnjem ugovoru, ovako ću reći možda i nagrađeni zato što su neke druge odustale od harmonizacije koja je njima ponuđena jer su smatrali da ne mogu toliko katastarskih općina obraditi. Malo smo stiješnjeni sa rokovima, a dužni smo ispoštovati sve rokove. Ova današnja Odluka se odnosi na stambene zgrade u kojima se nalaze stanovi koji su bili predmet privatizacije i otkupa po Zakonu o privatizaciji stanova. Dakle, te zgrade su stupanjem na snagu Zakona o stvarnim pravima, dobile su mogućnost da se napravi jedinstven upis, dakle vlasnici etažnih jedinica moraju biti upisani i kao vlasnici zemljišta ispod zgrade. I ove zgrade će biti konačno upisane bit će ukinuta knjiga položenih ugovora i napravljena će biti prava zemljišna knjiga. Za njih se radi elaborat etažiranja i to rade izvođači radova. Iz tog razloga su određeni minimalni upotrebn

prostori, dakle samo onoliko koliko treba da se obiđe oko zgrade, dakle metar oko zgrade za neko stepenište i slično, ništa više. I to je prikazano na crtežima“. Elektronska prezentacija je prikazana kao primjer.

Služba je uradila i upotrebni prostor za izbjegličko naselje koje je napravljeno u Lukavici koje je Odlukom Vlade prešlo u vlasništvo opštine, za koje mi nismo riješili imovinske odnose, pa da probamo u procesu harmonizacije uraditi i to. Dakle, kad se izvrši harmonizacija i napravi zemljišna knjiga, pravi zemljišno knjižni ulošci i grunтовница upiše vlasništvo na nekretnini onda će se to prenijeti i u katastar nekretnina u Opštini Gračanica. Ako ima pitanja evo ja sam tu“.

Učesnici u diskusiji su:

Edin Šehić:

„Evo samo neki par pitanja pa da mi se pojasni vezano za rješavanje ovih subjekata po nabrojanim MZ-a. Jesu li obuhvaćeni svi objekti koji su u državnoj svojini? Dakle, u ovim MZ-a da li su to svi objekti koji su u javnom interesu obuhvaćeni ovom sanacijom? I čisto onako mene interesuje lično, šta sa problemom ljudi koji imaju u katastru 1/1 građana, a u zemljišnoj knjizi imaju dva ili šezdeset upisanih građana? Kako to rješavati? Onako me interesuje informacija koji je to put da se to riješi i da bude 1/1, kao opći građani koji imaju u zk. ul jedno a u katastru 1/1? I ovaj objekat Kokaprodukta državna je svojina i sad ovom Odlukom se rješava njihovo pitanje vlasništva, odnosno Kokaprodukt je vlasnik i po zemljišnim knjigama 1/1 i to zemljište ispod zgrade. Samo da se malo pojasni“.

Senahid Džebo:

„I prije sjednice ja sam postavio par pitanja šefici. I dalje ne mogu se složiti sa ovakvim stvarima ovo je presedan, da se radi o vlasništvu zemlje, odnosno zemljištu MZ i donosimo odluku ovdje, isto kao kad bih ja uzeo nešto od svog sina, ja sam njegov otac. Opština Gračanica jest nadležna za MZ, MZ je vlasnik toga, a nismo ovdje pribavili nikakvo izjašnjavanje MZ, Vijeća MZ-a i mi ovdje sad donosimo odluku da se to zemljište, tog vlasnika uknjiži na privatne ljude koji su otkupili te stanove u nekakvim certifikatima u nekakvoj toj privatizaciji. A dobro znamo kakva je to bila privatizacija. Zakonom o otkupu stanova, o kojem postoji ovo objašnjenje što ste naveli stanarsko pravo, nije riješeno zemljište ispod objekta, zemljište za redovnu upotrebu objekata. Te stanove nije moglo biti moguće prenijeti u zemljišnu knjigu iz knjige položenih ugovora. Zakonom o stvarnim pravima Federacije stekli su se uslovi za upis prava vlasništva na navedenom zemljištu. Sigurno ovaj proces harmonizacije, zdušno podržavam sve, sumnjam da će i Vijeće MZ biti protiv toga ali je teško doći ovdje i dignuti ruku za ovo, dio zemlje uzeti nećije i glasati da se na nekog prevede, a još i pod sumnjom kako je to sve otkupljeno i kako je to sve odrađeno“.

Hasić Ibrahim:

„Bez razlike, što nema Malešića, nadam se da takvih prilika neće ni biti, ali nije uopšte to bitno. Bitno je nešto drugo, a obrazloženje će vjerovatno dati šefica službe. Ako je imovina MZ pod dotičnim zgradama, nebitno sad u Lukavici ili Stjepan Polju itd. da li ima logike, a ja mislim da nema čak ni zakonske ni bilo koje druge, da se može uzeti bez naknade. Zakonom o otkupu stanova, o kojem postoji ovo objašnjenje što ste naveli stanarsko pravo, nije riješeno zemljište ispod objekta, zemljište za redovnu upotrebu objekata. Te stanove nije moglo biti moguće prenijeti u zemljišnu knjigu iz knjige položenih ugovora. Zakonom o stvarnim pravima Federacije stekli su se uslovi za upis prava vlasništva na navedenom zemljištu. Sigurno ovaj proces harmonizacije, zdušno podržavam sve, sumnjam da će i Vijeće MZ biti

protiv toga ali je teško doći ovdje i dignuti ruku za ovo, dio zemlje uzeti nečije i glasati da se na nekog prevede a još i pod sumnjom kako je to sve otkupljeno i kako je to sve odrađeno“.

Hasić Ibrahim:

„Bez razlike, što nema Malešića, nadam se da takvih prilika neće ni biti, ali nije uopšte to bitno. Bitno je nešto drugo, a obrazloženje će vjerovatno dati šefica službe. Ako je imovina MZ pod dotičnim zgradama, nebitno sad u Lukavici ili Stjepan Polju itd., da li ima logike, a ja mislim da nema čak ni zakonske ni bilo koje druge, da se može uzeti bez naknade. Jer, imovina MZ je neprikosnovena imovina 1/1 grunt, kakastar.

Ja govorim tamo gdje je to čisto, a ono tamo koje je neko javno dobro, a koristila MZ-a ja ne znam. Ali ovo je pitanje, znači ako je imovina MZ nelogično je to da neko uzima taj status i to pravo“.

Odgovore je dala Aida Hodžić, šef Službe za upravu:

„Dakle, ovako bilo je pitanje vijećnika Šehića. Svi objekti u državnoj svojini. Ako ste pratili moje izlaganje, Općina Gračanica ima 20 katastarskih općina. Mi radimo sad samo ove tri i pričamo samo s ove tri. Nismo mi ovo izmislili, nego smo od izvođača radova dobili podatak iz knjige predloženih ugovora, iz gruntovnih knjiga, koje su to parcele, na kojima se nalaze stanovi koji su upisani u knjigu položenih ugovora i za koje se mora zatvoriti knjiga položenih ugovora i otvoriti zemljišna knjiga u ovom projektu. Dakle, to su podaci koje je nama dostavio izvođač radova po kojima smo mi postupili. Samo tamo gdje ima knjiga položenih ugovora i gdje su otkupljeni stanovi. To je prvo pravilo. Pitali ste šta je sa onima koji imaju 1/1 u posjedu, a u zemljišnoj knjizi ne. Prije svega vi svi znate da je zemljišna knjiga vlasnička knjiga i sud sudi po njoj ako sudite vlasništvo. Međutim katastarski podaci se smatraju daleko tačnijim. Harmonizacija podrazumijeva, harmonizaciju podataka između baze podataka katastra nekretnina i zemljišne knjige po podacima baze podataka katastra nekretnina. Dakle, oni se smatraju tačnim, a Sud će u svom postupku u promjeni upisa u zemljišnim knjigama donijeti rješenja, obavještavati vlasnike u slučaju da ima potrebe voditi i sudski spor ako neko bude osporavao. Ali za one MZ, katastarske općine na kojima smo ovo proveli mnogi građani su uštedili po nekoliko hiljada maraka u procesu harmonizacije da ne bi sudskim putem dokazivali vlasništvo, odnosno u gruntovnici očistili zemljišnu knjigu da budu 1/1. Dakle, čitav ovaj projekat je jedna velika pomoć građanima naše općine da besplatno riješe vlasništvo u zemljišnim knjigama. Harmonizacija se odnosi na sve parcele koje se nalaze u toj katastarskoj općini. Slijedeće pitanje se odnosilo da na Kokaproduct, da li se rješava pitanje vlasništva? Ovdje rješavamo, ponoviti ću ne sve na Kokaproduct što se odnosi. Ovo je slučajno upisano na Kokaproduct, državna svojina je u zemljišnoj knjizi. Ovdje se nalazi zgrada sa deset stambenih jedinica koji se nalazi u knjizi položenih ugovora i to je predmet ovog. Samo ta parcela na kojoj se nalazi ta zgrada, ništa više. Ovo što je Senahid Džebo pitao. Mi smo pričali prije, na ovoj parceli MZ, upisane su odnosno parcele su napravljene kad je rađena privatizacija djelimično jer se znalo da se mora ostvariti jedinstvo između zgrade i zemljišta na kojoj se nalazi. Dakle, tri zgrade imaju stambene jedinice koje su otkupljene i to je jedini razlog. Neko se ovdje ne uključuje u postupak i ne saslušava, ovo nije upravni postupak. Kad bude promjena vlasništva što se tiče zemljišne knjige doći će svakom vlasniku rješenje pa će moći reagovati, ako ima neke dokaze i osporavati. Inače, čitav postupak se ne vodi u Službi nego u zemljišno - knjižnom uredu. Mi smo samo tu da odredimo veličinu, da pomognemo da se čitav taj postupak harmonizacije završi. Isti je odgovor i na pitanje gospodina Ibrahima Hasića. Dakle, pričamo samo o zgradama koje su bile predmet privatizacije i stanovi koji se nalaze u njima. Moram vam samo reći da smo ovakav Plan sanacije za cijelu katastarsku općinu k.o. Gračanica koja je bila prva i da je svo zemljište koje je na opštini isto tako prenošeno na vlasnike stanova. Nema tu razlike između MZ i Općine Gračanica“.

Osman Sulejmanović:

„Mislim da smo mi sad ovdje dovedeni pred svršen čin, što se mene lično tiče. Znači, nismo se uključili kad je bila privatizacija objekata. Znači to nas boli, jer su ti subjekti ograđeni sedamdesetih, odnosno osamdeset i nekih i građeni su na površinama MZ-a. I MZ su gradile objekte da bi imali prosvjetne radnike, jer se to uglavnom i odnosi na prosvjetne radnike. Ti prosvjetni radnici su sve evo privatizovali i proveli. Mi smo sad dovedeni pred svršen čin i mislim da ovakvu Odluku trebamo podržati i nema šta da raspravljamo“.

Prešlo se na izjašnjavanje i Plan sanacije o privremenom imenovanju predsjednika i članova upravnog odbora JZU „Dom zdravlja“ Gračanica je usvojen sa 25 „ZA“ i 2 „SUZDRŽANO“.

Od izjašnjavanja o Planu izuzeo se vijećnik Edin Ibrišević.

TAČKA 7

RJEŠENJE O PRIVREMENOM IMENOVANJU PREDSJEDNIKA I ČLANOVA UPRAVNOG ODBORA JZU „DOM ZDRAVLJA“ GRAČANICA.

U vezi ove tačke dnevnog reda, a u ime predlagača Aida Hodžić je iznijela slijedeće:

„U ime predlagača da kažem, pošto je načelnik odsutan. Dakle, imamo amandman na rješenje o privremenom imenovanju predsjednika i članova upravnog odbora Javne zdravstvene ustanove Dom zdravlja Gračanica, da se u članu 1 rješenja doda 3. Besim Mujkić - predstavnik Ministarstva zdravstva TK.

Obrazloženje: Kao što je navedeno u obrazloženju Rješenja koje je dostavljeno Općinskom vijeću, Općinski načelnik uputio je Dopis Ministarstvu zdravstva Tuzlanskog kantona da izvrši predlaganje svog člana za privremeno imenovanje člana Upravnog odbora JZU „Dom zdravlja“ TK. Ministarstvo je u međuvremenu od dostave materijala dopisom br. 1371-37-016685/18 od 19.06.2018. godine dostavilo svoj prijedlog da se na najviše od 3 mjeseca imenuje Besim Mujkić, kao dosadašnji član Upravnog odbora. Iz ovog razloga predlaže se da se ovim rješenjem imenuje i treći član – kao predstavnik Ministarstva. Isto tako predlagač prihvata stav Komisije za propise i Statut da ne stoji privremeno, nego samo Rješenje o imenovanju Upravnog odbora“.

Nije bilo učesnika u diskusiji.

Rješenje o imenovanju predsjednika i članova upravnog odbora JZU „Dom zdravlja“ Gračanica je usvojeno sa 17 glasova „ZA“ i 10 „SUZDRŽANO“.

TAČKA 8

INFORMACIJA O STANJU PUTNE INFRASTRUKTURE NA PODRUČJU OPĆINE GRAČANICA

Učesnici u diskusiji su:

Edin Šehić:

„Evo obzirom da sam na početku imao određenu vijećničku inicijativu za plavljenje i velike nanose sa makadamskih puteva u zaključnom razmatranju ove Informacije imamo da održavanje makadamskih cesta je otežano i uglavnom se svodi na posipanje posipnim materijalom koji brzo odnesu oborinske vode, a dole kao neka mjera se predlaže da se prilikom nasipanja vrši niveliranje da imaju veći poprečni nagib kolovoza kako bi oborinske vode najkraćim putem došle do kanala koji trebaju biti očišćeni, kao i propusti na mjestima gdje je vodu neophodno propustiti ispod kolovoza. Ponavljam zaista i kroz inicijativu sam to obrazložio da imamo veoma loše kanale i da moramo više pažnje obratiti nakon poplava, ja

znam da to služba radi zaista dobro i pravovremeno ali trebamo se svi uključiti da u svim MZ-a urade maksimalna čišćenja propusta i kanala kako bi izbjegli ova plavljenja i poteškoće koje imaju naši građani. Dakle, evo jedan apel i jedan prijedlog da služba malo više obrati pažnje na ove propuste kako bi izbjegli ove havarije tako reći“.

Bajrić Vahid:

„Infrastruktura sama i puteva na opštini Gračanica i održavanje makadamskih cesta je otežani, uglavnom se svodi na posipanje posipnim materijalom – koji brzo odnesu oborinske vode – koje teku kolovozom gdje nema kanala i propusta ili su po običaju zatvoreni – gdje su prisutna i manja klizišta – obalno drveće gdje su putevi teško prohodni. Oznaka ceste L 035 035 Donja Orahovica – Turkovići – Kulići – Rašljeva put koji spaja dvije MZ-e Donju Orahovicu i Rašljevu u dužini 1,80 km. Oznaka ceste L 035 035 Orahovica Donja – Makovci je asfaltirano 1,62 km – nije prikazan tabelarno nastavak makadamskog puta Donja Orahovica – Makovci – Turkovići u dužini 1,50 km. Gdje se put nalazi u lošem stanju, kao i put Bajići – Turkovići u dužini 800 m¹. Molim Općinsku službu da na licu mjesta utvrdi stanje ovih puteva i uvrsti ih u tabelarni prikaz“.

Sulejmanović Osman:

„Evo Informacija je urađena, ali bi bilo potrebno da do usvajanja narednog budžeta, predlažem da se uradi Plan i program održavanja proljetnog i jesenjeg održavanja puteva, kao i zimskog održavanja. Treba vidjeti, imamo firmu koja vrlo dobro vrši rasjeke, ima mašine i mislim da bi trebalo napraviti Plan rasjeka na kompletnoj opštini pored puteva. Kad ulazimo u pojedinu MZ imamo osjećaj da ulazimo u džunglu. To treba vidjeti, imamo dosta asfaltiranih puteva a na njima se ne radi ništa, na čišćenju kanala, na čišćenju slivnika, rešetki i slično. Znači tu bi morali nekakav način naći jer ovako ovo ne ide. Odoše nam putevi i ovo što imamo, što smo odradili a puno smo uložili u proteklom periodu na putnu infrastrukturu. Mislim da bi za naredni budžet trebali i svi mi ovdje da se malo odrekne želja i da vidimo da više ulažemo na održavanje puteva. I još mislim da bi trebalo inicirati izmjenu Odluke o komunalnim djelatnostima. Prema njoj bi mogli sječenje stabala i uređenje živica definisati. Nekako bi morali privoliti vlasnike parcela da kad krče živice s unutrašnje strane da iskrče i stranu pored puta. Mislim da bi tu komunalni inspektori i komunalni redari, mogli napraviti reda, malo odraditi i na estetici puteva“.

Senahid Džebo:

„Što se tiče uređenja, mi smo u protekloj godini izvršili sanaciju kanala i nekih sedam hiljada je to plaćeno i za mjesec dana imate situaciju da građani to ponovo zatrpaju i rade svojevrijedno. Ovo što navodi kolega za uređenje, evo svi mi predlažemo da uzimamo opštinska sredstva i idemo tamo i krčimo te živice i radimo svašta nešto. Međutim, moramo ovdje, htjeli ili ne htjeli donijeti nekakvu odluku gdje ćemo reći da je svaki vlasnik te parcele dužan održavati. Ukoliko ne bude održavao imamo mi „Komus“ koji će doći i fakturisati. Moramo mi to jednom početi raditi, jer ako ćemo mi to svake godine planirati i uzimati iz budžeta onda smo mi ne znam šta. Evo mi smo malo tamo nešto uradili pa je koštalo sedam hiljada. Moram jednom reći da postoji i odgovornost tog vlasnika, a postoji i naša odgovornost. Možemo mi to uraditi prvi puta i da sa tim završimo. Međutim, ovdje se svijet ponaša kako hoće, radi šta hoće i mi kroz mjesec imamo ponovo istu stvar. O tim stvarima mi trebamo razmišljati i evo tu su šefovi službi i ako postoji ikakva mogućnost da to napravimo, da na nekakav način obavežemo vlasnike parcela da moraju to svoje uraditi. Ako neće onda ide „Komus“ i faktura, pa to ljudi rade u R.S. Možemo mi pričati šta hoćemo ljudi imaju sistem uređen, a mi ovdje samo da uzmemo još sredstava pa ćemo mi to raditi“.

Hasan Puškar:

„Koliko ja znam, sve je to regulisano Odlukom o komunalnom redu. Ne pita niko hoćeš li ti to, ti moraš svoju parcelu i ogradu održavati. A sve i što nije, može se regulisati. Hajde da zaposlimo još komunalnih redara koji će obilaziti teren znači opet je do nas. Komunalnih redara koji će nadgledati i inspektorima dati zapisnik te naložiti ko šta treba. Jer iz svakog sela kreni do grada, svi su izbacili odvode, oluke, sve na put, svi su zatrpali kanale odvodne. Kad se postavljaju cijevi postavljaju se kako ko hoće, a ne da se prave slivnici itd. Niko mene nije podržao, a evo ni dan danas nije riješeno kroz Javor krčenje ograde. Od februara govorim da treba pokrpiti rupe po gradu, ni jedna još nije pokrpljena. Samo se pojavile još nove rupe. Al to je sve do nas. Hajde da tražimo i nečiju odgovornost ako to nije urađeno. Putevi su veliki problem i to nije do službe, nego neko mora inicirati. Ali kad se izgrađuju putevi moraju se i raditi po pravilu, a ne da se prostremo par kilometara asvalta, a što nije urađeno negdje propust, odvod, što u gradu recimo kad se vrši asfaltiranje puta, vodovod ne prati priključke na vodu, na kanalizaciju itd. Ili nisu usaglasili, to sve neko plaća. Takvih slučajeva evo imamo već sada. Neko treba da radi svoj posao i ima neko ko je plaćen sigurno za to. Trebalo bi još pomoćnika, da mi iniciramo to i da napokon ljudi skontaju da neko nije dužan njima sve odraditi jer i građani imaju svoje obaveze, kao privredna tako i fizička lica. Znači imamo mi svoje obaveze za održavanje, a ne samo izbace odvode na put i nek voda ide niz put, kao i fekalije i sve slično. Da napravimo i sjednicu na ovu temu uz učešće nadležne službe i inspektora pa neka nam kažu šta učiniti po ovom pitanju. Svaki dan imamo poplave, a mi smo svi krivi sami sebi“.

Hasić Ibrahim:

„Sve je ovo lijepo i zamišljeno i svi što su diskutovali i predlagali sve je super dobro. Ali jedno je žalosno. Ni kantonalni ni federalni ni državni ne poštuju ustavne odluke, a mi kažemo neko mora iskrčiti. Ja moram vama reći da u mene nigdje nema živice, u mene je beton ili kamen. Ne može se niko natjerati, ako nema svijesti. Primanje još inspektora, žalosno je što mi nemamo još sanitarnog inspektora, a to traje već 10-12 godina. A koji je možda potrebniji nego taj što bi gledao gdje je iskrčeno, a gdje nije. Nemojte da se zanosimo, ne možemo nikog natjerati, na žalost. Kad se ne poštuju sudske odluke odnosno ustavne odluke, kako će drugi“.

Krajinović Nihad:

„Dio diskusije koju sam ja htio iznijeti ovdje, već je iznio kolega Puškar, a odnosilo se ne samo na prijedloge mjera nego i na pronalaženje odgovornih lica koji dovode do oštećenja asvalta odnosno kolovoza na cijelom području općine Gračanica. A evo jedan od premjera je i prokopavanje ulice na skretanju za naselje Bazen. Samo radi priključka na kanalizaciju koja je prije godinu i po završena. U velikom projektu. Ili jedan drugi primjer ulica Sarajevska. Na ulazu u ovu ulicu jasno stoji, a to smo vas nekoliko vijećnika o tome govorili na Vijeću, stoji saobraćajni znak nosivosti ulice devet tona. Ali puno, puno veći teret prolazi ovom ulicom, nego što je dozvoljeno i dakle služba mora povesti malo više računa od predloženih mjera, da utvrdi i ko su uzročnici tih oštećenja na asfaltu. I svakako podržavam evo što je kolega Puškar rekao, mora se jednom donijeti plan predradnji prije asfaltiranja. Šta je to sve potrebno da se uradi na jednoj dionici prije nego se asfalt pruži“.

Rasprava je zaključena i informacija o stanju putne infrastrukture na području općine Gračanica je usvojena jednoglasno.

Sjednica je završena u 12²⁵ sati, a predsjedavajući Vijeća je zamolio da vijećnici dostave fotografije radi uređenja web stranice Općinskog vijeća.

ZAPISNIK VODILA:

Dženana Tukulj

**PREDSJEDAVAJUĆI
OPĆINSKOG VIJEĆA
Nihad Krajinović**